



MESTER REVISA SITUACION TRAFICO NA AIRPORT

E situacion di caos cu a surgi riba un diadomingo cu tin menos trafico cu otro dianan, banda di aeropuerto ta existi un revision sigur di parti di e conseho cu expertonan di trafico a

duna na DOW. Ayera mainta a cera e crusada grandi dilanti di aeropuerto caminda lo bini un spiraal rotonde. Net na e skina un tiki mas pariba a traha un rotonde cual a

resulta, segun e prome prueba haci cu e ta mucho chikito pa atende cu un fluho grandi. A constata cu e rotonde aki mester atende cu e trafico cu ta bini for di Ser'i Theisji y Barcadera pa bay Playa, drentando Wayaca pa sigui pa centro. Tambe e trafico cu ta bini di Wayaca pa bay airport, of esnan cu ta bini di airport pa bay San Nicolas of Playa bek via di Wayaca. E splicacion aki so ta bruga e lector, imagina e situacion cu chauffeurnan mester pasa aden.

Diferente persona cu a pasa den e situacion ey a sugeri por ehempel cu e trafico cu ta baha for di San Nicolas por wordo manda pa Santa Cruz y Playa sea for di Franse Pas of e luznan di trafico na Drive In. E trafico cu dicidi di sigui bay abou riba Ser'i Theishi of Barcadera, por wordo desvia na e crusada di Mahuma pa bay Santa Martha y eynan nan por sigui pa Hooiberg pa Playa of den Santa Martha habri un caminda cu nan por drenta Wayaca of uza esun cu por yega te banda di Sero Biento (saliendo net patras

di Wayaca Veterinaire Kliniek) pa despues pasa via e barrio di Wayaca y yega Playa. Di otro banda e rotonde chikito habri dilanti di airport ta keda solamente pa atende e fluho di trafico di airport igualmente e trafico cu ta wordo corta dilanti Brandweer mester keda solamente pa e trafico cu ta bay aeropuerto. Pues e expertonan di trafico cu ayera mainta a analisa e situacion mester yega na e conclusion cu e situacion manera cu e tabata ayera mainta sigur no ta esun mas ideal, pio ora cu scolnan habri.



Rene Herdé

“E critica politico riba Dialogo Social ta infunda y irealistico”

DEN e ultimo simannan por a tende miembronan di e partidonan MEP y PDR expresa nan malcontento cu e Dialogo Social. Nan critica a concentra riba e temor cu e Dialogo Social lo ta atende cu asuntonan cu ta politiconan tin cu atende cu’ne, cu dor di Dialogo Social lo evita discusionnan politico y cu e Dialogo Social lo ta wordo uza pa implementa medida riba pueblo. E opinionnan expresa contra Dialogo Social lamentablemente no tin ningun base racional of hechonan pa sostene nan. Asina e lider di fraccion di AVP, drs. Rene (Baba) Herde a duna di conoce.

E argumento y pensamiento contra di Dialogo Social ta irealistico tambe awendia.

“Bo lo spera di tanto un partido manera PDR cu ta bisa di ta boga pa mas democracia (“Democracia Real”) lo ta na favor di mas participacion di mas sector di nos comunidad den pensa y dicidi riba desaroyo di nos pais y riba temanan cu ta toca nan directamente.

Di un partido manera MEP cu ta bisa di ta “Social Democratico”, Bo lo spera cu nan lo boga pa decisionnan wordo tuma mas serca posibel di pueblo mes. Pero den nan critica nan ta parece di a lubida e esencia di e Dialogo Social”, Rene Herde a remarca.

PARTICIPACION: UN ELEMENTO DI DEMOCRACIA BIBO

E critica cu e partidonan MEP y PDR tin riba Dialogo Social ta duna e impresion cu nan ta contra pe politiconan tene dialogo directamente cu pueblo of representantenan di pueblo den diferente forma.

Sindicatonan p.e. tabata y ta un forma directo y importante di representacion di interes popular. Nan participacion den discusionnan riba temanan actual y di futuro, mester ta algo cu nos ta haya normal y “dimes” den un democracia bibo manera nos kier na Aruba.

Participacion di hende en general den discusion y tumamento di decision den asuntonan cu ta toca nan ta un elemento esencial di democracia bibo. E ta nifica cu pueblo no ta vota un bes den 4 aña y sinta wak kico politiconan ta dicidi. Pero cu pueblo ta actua y participa directamente tambe!

Participacion di pueblo pa medio di nan sindicato of otro gremionan ta un forma practico y efectivo pa duna contenido na participacion di pueblo den asuntonan importante. E no ta kita nada di e funcion y responsabilidad di representantenan politico (den Parlamento).

Al contrario e ta complementa esaki y duna politiconan e posibilidad di uza e sosten (of falta di sosten) di gremionan pa

un of otro asunto, como argumento politico.

Pa sindicatonan participacion amplio y den tur asunto na tur nivel ta un tema esencial. Den añanan 70 sindicatonan na Aruba a welga pa haya participacion den asuntonan cu ta toca nan miembronan (= pueblo).

“P’esey mi a keda desapunta di e critica di MEP y PDR riba participacion di pueblo pa medio di nan organisacionnan awe den siglo 21!

Den siglo pasa ya caba e tabata y te awe ta un tema esencial pa sindicatonan. Mescos ta conta pa otro gremionan comercial/profesional, cu mescos cu trahadornan tin un contribucion grandi na desaroyo di nos pais y ta wordo afecta dor di decisionnan politico y desaroyonan den nos pais”, Rene Herde a sigui señala.

E mero sugerencia cu den Dialogo Social lo por tuma medida contra pueblo ta contradeci su mes!

Si den Dialogo Social tuma decisionnan dificil, Bo por ta sigur cu nan ta wordo tuma na interes di pueblo. Con dificil cu nan por ta!

FUNCION POLITICO



Den e critica di MEP y PDR riba Dialogo Social ta scucha bon cla un temor pa nan rol como politico y den Parlamento. Hasta ta scucha e temor cu ta salta Parlamento. E temor y ponencianan aki tambe ta sin base racional. Pasobra e posicion y funcion di Parlamento ta hancra den nos constitucion como e unico organo cu por traha of cambia ley, e unico organo nacional cu por sanciona Gobierno formalmente y cu por manda Gobierno cas. Pero e no t’e unico instancia pa controla Gobierno, presiona Gobierno y asina influencia Gobierno.

Den esey organisacionnan popular, sindicatonan y prensa (liber y imparcial) tin un rol importante y crucial den nos democracia. Politiconan y Parlamento no mester tin miedo

di e organisacionnan aki. Al contrario!

Politiconan mester scucha e organisacionnan aki bon y haci uzo di nan argumentonan unda ta posibel. Na final, kico cu wordo discuti den Dialogo Social mester pasa Parlamento sea p’e haya forza di ley of pasobra Parlamento como e organo mas halto di nos pais, ta exige esey!

Ningun Gobierno, Rene Herde a sigui splica, por core pa ningun debate politico si Parlamento exige esey! Kier men cu politiconan (den Parlamento) no mester tin ningun temor di Dialogo Social. Al contrario.

Tur partido y politico cu ta kere den un democracia bibo y real, mester sostene e participacion mas directo di pueblo den asuntonan cu ta toca nan! Partido AVP sigur ta sostene esaki!!

Hoben a bolter cu quadrazer madruga

E accidentenan cu quadrazer ta tuma lugha mientras cu ciudadanonan ta puntra nan mes si e tipo di vehiculonan aki ta wordo permiti pa core cu nan riba careteranan normal. Diasabra algo pasa di 3:30 di marduga manehador di un quadrazer a perde control den e lorada skerpi di Tamarijn Hotel, a bolter y cay abou dal su curpa. Pues na e momento ey sigur e no tabata den un off-road trip.

Polis a bin topa cu e homber benta abou ta keha di dolornan na curpa di e sla ricibi despues di a bula for di e quadrazer cay abou. Personal di ambulance tambe tabata presente y a atende e victima cu tabatin slanan na curpa y asina a transporte pa hospital pa haya atencion medico pa e slanan ricibi na cabes y demas parti di su curpa. A yama takelwagen priva pa hiba e quadrazer cas.



Cambio di ruta dilanti Aeropuerto

A causa un chaos masha grandi y mester bay na evalua e situacion aki

CU seramento y trece cambio den trafico dilanti di Aeropuerto, por a sinti cu esaki lo bira un chaos grandi.

Manera ta conoci, Gobierno lo cuminsa cu construccion di e rotonde spiraal, pero loke a ser demostra den teoria ta musta facil, pero den practica, e no ta funciona manera mester ta pa cual mester bolbe analisa e situacion aki.

E contratista di MNO Vervat hunto cu polis a atende e desviacionnan. Asina mes tin un situacion fastioso cu e trafico. Chofernan no ta custumbra y esnan di transporte publico manera bus y taxistanan ta hopi disgusta. E proceso di desviacion ta pone cu e trafico ta mal pega y turistanan sea ta tarda pa yega Aeropuerto of mester warda hopi largo pa coy taxi. Ta un situacion cu mester bay custumbra cune aunke e indicacionnan ta basta cu borch.

Minister Benny Sevinger, personalmente a duna acto di presencia ayera mainta pa ta testigo di e preparacion. Polis ta sinti aworaki cu e cru-

zada a wordo sera cu cierto chauffeur mes ta core den un forma cu e trafico no ta move manera debe ser.

Dilanti di Aeropuerto mes e trafico ta hopi pega y caotico. Saliendo for di Aeropuerto ta mira cu e trafico ta moviendo un tiki mihor. Esnan cu por ta bon pa usa otro rutan alternativo pa evita mas stagnacion den e area y laga espacio pa taxi y otronan cu ta bay Aeropuerto sea pa busca of baha pasahero. Vigilancia policial lo keda e proximo dianan te ora e situacion ta bao di control. Pero nos ta spera cu polis, expertonan den trafico bin cu otro alternativa.



Peaton seriamente herida den hit & run dilanti Club 21

DIASABRA algo prome cu 5or di mainta dilanti di Club 21 riba Caya Betico Croes un accidente a tuma luga unda un auto a alcanza un peaton y sigui bay. Polis di biaha a yega na e sitio y aki a solicita ambulance cu urgencia ya cu e dama benta abou su situacion ta basta serio.

Ki auto a alcanza e dama ta desconoci. Di biaha ambulance a tuma e victima cu trauma serio na cabes y hibe hospital, caminda cu dokternan a tume over pa traha cune di biaha. Na e sitio polis tabatin e caminda sera pa investigacion di parti di especialista di trafico.

Por a compronde cu lo tin camera den e bisindario cu a capta e auto cu a alcanza e peaton aki.



Comerciante atraca



DIADOMINGO den careda di 2:30 Polisnan di Noord a wordo manda pa un cas na Kamay unda un atraco a tuma luga caminda un comerciante masculino y su pareha a wordo atraca brutalmente pa dos persona desconoci cu a hinca un di nan.

Di biaha diferente patruyaa yega na e cas y aki buskeda a cuminsa rond den e area cual tin basta mondi. Personal di Ambulance tambe a yega na e cas y duna asistencia na e homber pero no tabata desea di bay cu ambulance pa hopsital y a wordo trata na e sitio mes. Personal di Recherche y Atraco Team a pre-

senta na e cas pa haci investigacion pa saca afor kico tur e atracadornan por a bay cune den e cas.

Ta parce cu ta dos homber a drenta e cas y tabatin arma di candela y un pata di cabra den nan poder. Pa nan por a horta loke nan tabata kier, a mara e pareha den un camber.

Esey no tabata e unico atraco cu tabatin ultimo dianan. E fin di siman a habri cu un atraco na un rumshop na Pos Chikito.

Diabierna alrededor di 11'or di anochi a bati alarma pa un atraco na Pos Chikito Bar unda un hoben a drenta e luga cu un cuchiu y a horta

placa di e luga.

Di biaha sigui e sospechoso y a notifica Polis cu a manda un patruya di San Nicolas cu a yega di biaha den bisindario y a base di e descripcion duna a detene e hoben atracado. A yega na e luga bek y a tuma e declaracion for di e trahado kende a conta Polis y personal di Atraco Team con e hoben y dos mas a drenta cu e cuchiu y pone den direccion di e trahado pa bay cu placa. Dos cliente cu tabata den e negoshi tambe a bira victima di e ladronnan aki. Cuanto placa a bay cune no tabata conoci na e momento ey ainda.



Polis ta detene hoben agresivo bou di influencia

NOORD-- Diasabra madruga, polis a bay na un cas den Caya Fransebloem, pa un yiu homber burachi cu ta molestia su mama. Na yegada polis a papia cu e mama, kende ta bisa cu su yiu homber J.M. a bin cas burachi, y segun e mama su declaracion e no por bebe, pasobra e ta bira agresivo. Ora cu el a tende cu e mama ta yama polis, el a core bay. Un rato despues el a bolbe. Ora cu polis a bay pa detene el a resisti, pero polis a logra pone den boei, y a hibe sera pa buracheria.

Botica a haya bishita di ladron


SANTA CRUZ-- Diasabra mainta pa 07.40 Central ta manda polis na Botica Santa Cruz, unda ladronnan a drenta den e lugar. Na yegada polis ta papia cu e supervisor, kende ta bisa polis cu atardi nan a bay y a laga e lugar bon sera y intacto. Ora cu nan a bin mainta, nan a ripara cu ladron a drenta den e lugar. Segun e supervisor, e ladronnan a bay cu varios remedi, yabi y tambe nan a bay cu un caha di 500 florin cu ta di Rode Kruis.

Motociclista a cay for di bromer

CUMANA—DIASABRA mainta 08.00, un persona a pone polis na altura cu el a mira un motociclista herida sinta banda di e bromer na Cumana. Polis a bay n'e sitio, y nan ta topa cu e motociclista, kende ta keha di dolor den su pecho. Polis a bise pa yama ambulance, pero el a nenga y a bisa si e dolor bira mas tanto, e mes ta bay hospital pa tratamento. E motociclista a bisa polis cu e tabata coriendo riba caminda di santo y a dal den un buraco y a cay.

Polis ta detene hoben menor di edad cu e horta alcohol

SAN NICOLAS—Diasabra 13.57, asistencia di polis ta wordo pidi na un supermarket pa ladronisia. Na yegada polis ta papia cu doño, kende a sali pafo y ta bisa cu un mucha homber a coy un boter di bebida bay cune sin cu el a paga. Polis a detene e mucha homber di 16 aña y a hibe warda, mirando cu ta trata di un menor di edad a pone e departamento concerni na altura.




BEST VALUE SMALL TRUCK

CONTROL THE POWER

NISSAN FRONTIER

Single Cab/MT	Double Cab/MT
Awg. 36,575	Awg. 49,000



TOPCAR



SHIFT_the way you move

Caya Ernesto Petronia 21 • Tel: 582-1547 • Fax: 582-9877 • www.nissan.aw

AWEMainta
el corazon di tinia

Nos e-mail:

noticia@awemainta.com

Tel: 583-1400

Fax: 583-1444

Fundacion FMAA trahando hunto cu ParnassiaBavoGroep di Hulanda pa combati adiccion di droga structuralmente

BASE di vision di Gobierno ta sigui traha riba e calidad di cuido di adiccion na Aruba!

Fundacion pa Maneho di Adiccion mihor conoci como FMAA t'e fundacion encarga cu maneho di diferente instancia di cuido di adiccion na Aruba cu ta wordo subsidia pa Gobierno, manera e.o; Centro Colorado, Centro Dakota, Consultorio pa Asunto di Adiccion (CAA), Halfway House na Meiveld etc. FMAA a habri su portanan oficialmente na 2010 despues cu Gobierno a reorganisa tur e instancianan cu ta brinda cuido

di adiccion, pero tambe prevencion p'asina eleva e calidad di cuidu y servicio cu ta wordo brinda.

E fundacion aki a bin na realidad despues cu Stichting Sa di Droga cual tabata un stichting existente desde aña 2006, cu su miembronan tabata estudiante y docente (Verslavings Onderwijs Aruba) y profesionalnan den e ramo di cuidu y prevencion di adiccion, a firma un acuerdo na aña 2010 cu Stichting Alcohol Misbruik Bestrijding Aruba (SAMBA) pa cuminsa

traha hunto p'asina combati e problematica aki cu mas forza y conocimiento.

SAMBA na su turno ta un di e pioneronan den e ramo aki y ta existi caba desde aña 1955. Desde e periodo di Stichting Sa di Droga e grupo aki cu awor a bira FMAA a mira e necesidad caba pa cuminsa traha mas hunto y tambe e tempo ey caba a busca e sosten y cooperacion di instancianan internacional riba e ramo aki na paisnan manera Hulanda.

Un di e instancianan aki cu semper a brinda tur nan experetico y ayudo tabata ParnassiaBavoGroep y regularmente tabatin combersacionnan andando entre e gruponan aki p'asina sondea e posibilidadnan. ParnassiaBavoGroep ta un organisacion sumamente grandi y profesional cu tin total casi 7000 empleado den e ramo di cuidu y prevencion di adiccion.

Tambe nan tin 8 diferente instancia cu ta brinda tur sorto di cuidu y tratamiento profesional na tur parti di Hulanda.

Gobierno na su turno a percura tambe desde un principio pa mantene e contactonan necesario p'asina logra haya e sosten y cooperacion di instancianan internacional manera ParnassiaBavoGroep pero tambe di e famoso Stichting De Hoop na Hulanda cu a yuda Aruba cu materialnan di prevencion.

Mirando e necesidad na informacion y educacion den e ramo aki na Aruba, Gobierno a bishita e instancianan aki na varios ocasion y a reuni cu nan p'asina haya nan cooperacion. Tur esaki a pone cu awe nos profesionalnan na Aruba cu tambe ta dispone di bastante experiencia den e ramo aki despues di tanto aña cu Aruba ta trahando riba combatimento di

adiccion/droga pronto por bay disfruta di un intercambio di conocimiento profesional den e ramo aki mirando cu pronto Ministerio di Salubridad y Deporte lo anuncia oficialmente un Congreso Internacional cu lo wordo organisa conhuntamente cu ParnassiaBavoGroep y Fundacion FMAA na Aruba.

Esaki despues di varios aña cu no tabatin un congreso di e calidad y nivel halto aki pa tur esnan cu ta traha directa- of indirectamente den cuidu of prevencion di adiccion.

Curaçao Special
Hotel Celeste
 Tin e siguiente oferta pa bo
DBL \$70; TPL \$80; QUAD \$100 p/n
 Prijs ta inklui tax, uso internet wi-fi
 Kamber ku kitchenette \$10 extra
 Mucha bou di 12 anja gratis
 Persona adicional USD 15 p/n
 Pa mas info of hasi bo reservashon:
 e-mail: info@celeste-an
 website: www.celeste-an

AWE Mainta
 Find us on Facebook
 Like

HITESS
 HIGH TECHNOLOGY SALES & SERVICES N.V.
 DUTCH CARIBBEAN
 HITESS N.V.
 Arendstraat 124
 Tel : +297 - 588-5966
 Fax : +297 - 588-5895
 Email : info@hitecss.com

For Sliding Gates

DEIMOS Kit

- 1 BFT DEIMOS motor
- 2 Remote Control
- 1 Photocell
- 1 Blinker cu Antenna
- 4 Plastic rack di 1m

120V

AFI. 1399.50

Horarios: Dialuna-Diabierna 8:00 am - 5:30 pm
 Diasabra : 8:00 am - 12:00 pm

Jama nos na 588-5966

arubus
SMARTCARD
REGISTRACION !!!
Tur dia Di:
8:00 am te cu 3:30 pm
Oficina di Arubus
na Sabana Blanco
 Corda trece un identificacion valido !
 Studentenan mester trece un
 comprobante di pago di school of rapport !

Primicia: Moneda di Aruba cu imagen di Shoco

UTRECHT/ORANJESTAD - E “Koninklijke Nederlandse Munt” na Utrecht a traha un moneda pa Aruba cu tin den dje informacion adicional. E informacion aki por wordo lesa pa medio di un smart-phone. Dor di scan e moneda cu e telefon usarionan di un smartphone por haya sa mas di e Shoco di Cueba di Aruba. E Shoco aki ta riba e moneda. “Koninklijke Nederlandse Munt” t’e prome cas di moneda na mundo cu a haci uzo di e asina yama “augmented reality” pa traha un moneda cu

extra’s den dje. E moneda conmemorativo aki ta na benta pa mas o menos 50 euro. Solamente 2500 moneda a wordo traha. Riba e moneda cu tin un balor di 5 florin tin un Shoco graba, e Shoco di cueba cu ta biba na Aruba so. E Shoco a wordo proclama e simbolo nacional di Aruba algun luna pasa. Esaki tabata motibo pa Banco Central laga traha un moneda conmemorativo. Tur hende cu scan e moneda cu un aplicacion special (special app) ta haya informacion di e parha proteha

aki y informacion riba e unidad monetario di Aruba. N’e banda di e moneda tin ademas un Shoco na color, loke a wordo haci posibel dor di haci uzo di tecnica special di fotografia.



Accidente riba caminda di Camacurí

Diasabra anochi algo pasa di 7or, riba caminda di Camacurí a sosode un accidente caminda tres auto tawata envolvi. Ora cu polis a yega na e sitio a bin constata cu ta



trata di un pickup Hilux cu a dal un break di golpi, esaki a haci cu un Getz blanco a pega su tras. E impacto tawata asina duro cu e pickup a bay dal tras di un Mitsubishi Montero. E Getz a keda total loss, y e dos muchanan cu tawata tin aden a haya heridanan serio

nan nanishi y cabes. Nan a wordo traslada pa hospital cu urgencia. Un otro ambulance a presenta pa atende e señora den e pickup kende a dal su cabes na e dashboard. Polis na su turno a hala e Getz total loss banda di caminda pa no stroba trafico.

Waste Bucket SPECIAL

www.ecotecharuba.com

“Deshaci di bo desperdicio na un manera responsabel cuidando nos medio ambiente”

MATA + PALO + PIEDRA + TERA =

Awg. 200,-

523-6622

info@ecotech.aw

Find us on: facebook.

International Pastry Courses - Curso de Pasteleria International

Curso #1 di Pastry - 13 di Augustus 2012

Grupo ta limita na 10 persona pa curso cual lo tin 2 horario di mainta of atardi
 Dianan di inscripcion lo ta 8, 9, 10, 11 di Augustus, 2012
 Please jama nos na Tel : 586-4601 of Cel: 567-8558
 Adress Seroe Pela 1 W, Noord



Cuminsando for di pasteleria:

- Traha cu crema pa relleno
- Traha diferente mansa pa pie, pan, snacks
- Traha decoracion cu fruta fresco

Tambe lo tin siguiente Cursonan:

- Decoracion cu fondant
- Scirbimento cu chuculati
- Decoracion cu Icing cream
- Siña decora y usa Airbrush



Por poco boto di pesca a sink

DIASABRA merdia a bati alarma pa un boto di pesca chikito cu a cuminsa yena cu awa y esaki por zink di biaha. A despacha bombero na e sitio y e personanan na e waf a drenta accion di biaha cu hemchi y un aparato pa saca e awa aki.

Na yegada di e unidad di bombero a wak e situacion y no tabatin nada particular pa nan ya cu e personalnan di e boto mes a wordo yuda na e waf y parcialmente gran parti di awa a wordo saca door di usa hemchi y un aparato pa chupa e awa for di e boto.



Be Connected to Share Everywhere!

Explora BlackBerry® Curve 9360 pa comparti cu tur bo amigonan riba e red di mas lihe riba nos isla!



BlackBerry® 9360

Prepaid Afls. 649,-

Postpaid
Afls. 199,-



Visit any Digicel store for details | www.digicelaruba.com



Oferta ta valido te Augustus 31, tanten cu tin den stock. Prijs di postpaid ta basa riba contract di Afl. 95,- pa luna durante 2 aña incl. 240 mins, 50 SMS y data ilimita. Tin Condiiconnan Aplicabel.

Minister Otmar Oduber a presenta sr. Luiz Lara cu e titulo 'Embahador di Bon Boluntad di Aruba'



Nestlé

Enter to Win

GANA
cu NESTLÉ®
Breakfast Cereals

Un 42inch LED HDTV

2 Ipad di 16GB

2 NINTENDO DS 3G

CON PA PARTICIPA?

Cumpra 2 paki di cualkier producto di Nestlé Cereals menciona aki bow, jena bo nomber, adres i number di telefoon riba e parti dilanti di e paki i deposita esaki den e buzón na Martijn Trading, Italiestraat 1 of na bo Supermercado preferi.

Sorteo ta dia 31 di Augustus 2012

Diahuebs atardi Minister di Turismo, Transporte y Labor, Otmar Oduber tabata presente na Fussion pa un ceremonia di honor na sr. Luiz Lara, kende a ricibi e titulo di Embahador di Bon Boluntad di Aruba. E ceremonia aki a conta cu presencia di entre otro CEO di ATA sra, Ronella Tjin Asjoe y CEO di AHATA señor James Hepple. Luiz Lara a cuminsa representa Aruba na Brazil 25 aña pasa y semper a muestra di ta dispuesto pa yuda cu e crecemento di nos pais cu su contacto y influencianan. Luiz ta socio, fundador y CEO di e compania di propaganda Lew Lara cual t'e di 4 compania mas grandi di propaganda na mundo y desde aña 2009. Luiz Lara t'e presidente di Brazilian Association of Advertising Agencies, como tambe Sao Paulo Association of Advertising Professionals y

miembro di directiva di e Brazilian Advertising Association. Durante e ultimo añanan Luiz Lara a ricibi varios reconocimiento, e.o. di Planning Professional of the Year, Business Man of the Year, Communications Man of the Year, Advertising Man of the Year y Volunteer of the Year. Minister Oduber a conta cu Luiz ta un persona cu un pasion enorme pa Aruba, kende no solamente ta bishita Aruba pa haci negoshi sino tambe frecuentemente ta aki pa vakantie hunto cu su esposa y yiunan. Den nomber di Gobierno di Aruba, Minister Oduber a gradici Luiz pa su sosten y colaberation y a expresa con un socio ta bira amigo di Aruba, locual Luiz ta sigur pa Aruba y ta conta di lo sigui traha hunto cu e meta pa haci Brazil e mercado mas grandi pa Aruba den e proximo 4 pa 5 añanan.



iStore
A R U B A

Available now!

iPhone 4 S

Dual-core A5 chip.
8MP iSight camera.
iOS 5 and iCloud.
And introducing Siri.
It's the most amazing iPhone yet.

Open From: Monday till Saturday
From 9am to 6pm

Find us on Facebook
www.facebook.com/istoreaua

iTunes Gift Card \$15

Authorized Reseller

Diasabra anochi, polis cu accion preventivo

DIASABRA anochi te den oranan di marduga, por a mira tur patruya di polis cu luz blau sendi ta core durante patruya.

Esaki sigur ta traha preventivo y muestra mas blau riba caya.

E ta un iniciativa di Minister di Husticia, mr. drs. Arthur Dowers y cu sosten di Mando Policial.

El a keda confirma cu el a traha preventivo tambe, pasobra hopi chauffeur a tuma nota di e accion aki y a baha velocidad.

Asina mes, mester a para diferente chauffeur, pa hala nan atencion, ya cu a keda constata cu varios di nan a viola ley di trafico.

Cu e accion aki, autoridad kier pa Aruba habri un dialuna sin dolor den hogar pa motibo di coremento irresponsable.

Of kier muestra e criminalnan cu polis ta riba caya tur caminda. Ohala cu haci esaki un custumber.



AWE Mainta

Si bo no a haya bo corant awe,
Registra Awo!
na noticia@awemainta.com
y haya bo corant tur dia den bo inbox

Find us on Facebook

The Media



MESTER DI PLACA?
EMPEÑA Y CUMPRO ORO

PASA Y COMPROBA PA BO MES!

JUWELENHUISJE
ORARIO 10AM - 6PM DIALUNA TE DIABIERNA

ORANJESTAD WERFSTRAAT 7 LOK. 12 TEL 588 4141

SAN NICOLAS B. V/D VEEN ZEPPENFELDSTRAAT 14 TEL 584 4141



Famoso presentador di Sabado Sensacional di bishita na La Trattoria el Faro Blanco Restaurant

The time
is Now to
Own a **RAV4**
RAV4 EVP (Extra Value Package)



Get 2 extra free services(10.000km and 15.000km)
Get a full tank of gasoline.
Get 10% discount on accessories.
Get a surprise gift.

Conditions: no discounts on Rav EVP in this campaign

Contact:
Cordia
528-4455
www.cordiaaruba.com

Like nos Page

www.facebook.com/CordiaAruba

E famoso presentador y animador di Sabado Sensacional di e popular canal di TV Venezolano, Venevision recientemente tabata di bishita na Aruba pa su Luna de Miel, durante cual bishita manera ya ta custumber nan a bishita La Trattoria el Faro Blanco Restaurant cu ta situa net banda di nos Faro di California. Na aña 2005 Leonardo a drenta Venevision como animador di e programa matutino Portadas y na 2010 el a bira presentador di e popular Show di tur diasabra Sabado Sensacional.

Leonardo ademas ta presentador di Kino Tachira y ta locator diariamente na un emisora radial na Venezuela. Su inicio den e mundo di espectaculo a inicia como actor den obra nan di teatro y telenovelas. Dia 30 di augustus Leonardo Villalobos lo conduci Miss Venezuela pa di dos biaha.

Recientemente Leonardo Villalobos a drenta enlace matrimonial cu e modelo y periodista Venezolana Yomily Corredor cu a wordo transmiti pa Venevision canal 12.

Leonardo y Yomily manera semper a disfruta inmensamente di e platonan netamente Italiano cu La Trattoria el Faro Blanco Restaurant ta ofrece y a elogia e personal di servicio masha hopi mes. E pareha di recien casa varios biaha durante e anochi a keda ripiti "es que la Trattoria es una Joya ... tienen de todo!"

La Trattoria el Faro Blanco Restaurant ta desea Leo y Yomily un eterno luna de miel.

Mensahe di Rudy Lampe na nos maestro y otro profesionalnan

No baha cabez pa ningun Minister, ora e ta robez

NOS maestronan di scol ta cuminsa prepara nan mes p'e aña escolar nobo. Nan ta profesional di educacion y merece tur nos respet. Mescos tambe nos ta expresa nos aprecio pa tur nos profesionalnan cu ta traha den Gobierno.

E palabra mes ta bisa, bo ta un profesional, bo ta wordo paga pa bo profesionalismo.

Comunidad por confia riba bo huicio cu mester ta uno profesional, independiente di cualke presion cu por tin.

Pesey mes Rudy Lampe ta bisa cu a bira preocupa ora el a lesa lo siguiente. Profesionalnan di AIB a declara tempo cu sr. Booshi Wever tabata Ministro di Salubridad Publico cu e hospital nobo t'e mihor opcion, pasobra e lugar actual di nos hospital entre otro lo no ta adecua. E mesun profesionalnan di AIB awor cu Minister Visser ta na mando ta declara cu e renobacion di e hospital n'e lugar actual t'e mihor opcion. Unda e profesionalismo a keda, of ta baila segun e Minister cu ta na mando ta toca?

Un ambtenaar di Censo ta procede contra e whistleblower den e caso di falsificacion di adres di un Prome Ministro, enbez di actua contra e delito. Profesionalnan di DOW lo a haci calculonan robez den e trabaonan di infraestructura cu ta causa retraso y perdida di placa,



y arkitektonan di Linear Park a lubida cosnan elemental cu un mucha di lagere school mes sa y pesey lo e costa hopi mas placa.

Rudy Lampe ta puntra su mes: "Ta berdad cu nos profesionalnan ni sikiera sa rekenen? Of nan ta baha cabez p'e Ministro su interesnan, sea e ta berde of geel?"

Ki tipo di profesionalnan nos maestronan di scol ta produci? Rudy Lampe ta bisa di ta comparti e siguiente reflexion cu ta scirbi den un misa Catolico na Viena: "Inhusticia ta exige resistencia, husticia ta demanda apoyo. Nos rumannan a lucha contra Hitler, nos rumannan no tabata meelopers. Nos rumannan a keda deteni, pero nan a sigui lucha.

Nan a sigui lucha den exterior y den nos pais. Esun cu tin conocimiento di un delito, tin cu actua contra e delito.

"Tipo di profesionalnan asina nos Pais Aruba tin mester, cu no ta baha cabez pa ningun Minister ora e ta robez. E ta para firme pa su profesionalismo. Mi ta desea tur maestro di scol hopi exito den e tarea noble aki durante e aña escolar nobo!", Rudy Lampe a finalisa su mensahe.



Summer Special

Aruba Bonaire

AWG 372,17

(roundtrip airfare + taxes)



Plaza Resort Bonaire

Starting from US\$ 99,00 per room per night (incl taxes)

- Accommodation in a Junior Suite Laguna single/double occupancy
- Max 2 children (till 12 years) stay free in a room with 1-2 paying adults
- Max 4 persons per room
- Additional person US\$ 15.00 per night per person
- Rates available only with Tiara Air Aruba

Aruba Curacao

AWG 317,25

(roundtrip airfare + taxes)



Princess Beach Curacao Resort, Spa and Casino

Princess Beach Curacao Resort, Spa and Casino

Starting from US\$ 99.00 per room per night

- Based on double room/ per night
- All Inclusive
- Kids Free

Call Center 588 4272 / 528 4272

Sun Plaza • J.E.Irausquin • Sabana Blanco

www.tiara-air.com 

Bebiendo den bar homber a haya sla na cabes



DEN fin di siman tabatin diferente caso di maltrato cu a tuma luga y un di nan pa cual Polis a wordo yama ta esun cu a sosode na un bar na Pos Chikito. Diasabra anochi laat pafo di Palmita Bar na Pos Chikito tabatin un problema cu a bay for di man caminda cu un homber a wordo agredi basta bon y a haya slanan na cabes. A pidi presencia di tanto Polis y Ambulance na e sitio. Na yegada di personal di Ambulance nan a constata cu e homber cu a wordo bati tabata bou influencia y e tabatin slanan na cabes. Polis di nan banda a constata cu e agresor mes no tabata na e sitio mas. Personal di Ambulance a opta pa hibe hospital pa haya atencion medico.



Find us on
Facebook Like
www.facebook.com/AWEMainta

Bo tin un debe di belasting bieu?

E ora bo por bin na remarca pa un areglo di pago flexibel. E areglo di pago aki ta conta pa tur cobranza cu tin un fecha te cu 31 di december 2011 y ta valido pa persona priva, comerciante y empresa.

E beneficianan di e areglo di pago flexibel aki:

- **Bo ta haya mas tempo pa paga bo debe di belasting bek.**
Ta depende con grandi e debe di belasting ta y con e situacion financiero ta, un persona priva por haya un areglo di pago te maximo 48 luna. Pa comerciante y empresa e ta maximo 60 luna.
- **Den cierto caso, hasta bo por baha bo debe di belasting**
door cu bo no tin mester di paga boet y interes mas.

Pa mas informacion bo por yama na telefon 522-7423 of consulta e notanan informativo. Esakinan ta obtenibel na recepcion, servicio pa cliente y via www.siad.aw.

No laga bo debe di belasting crece. Bin awo na Servicio di Impuesto pa haci un areglo di pago flexibel.



Servicio di Impuesto
SIAD



CUIDA BO AUTO CU PIESANAN DI NAPA AUTO-PARTS OBTENIBLE NA NOS SUCURSALNAN NA:

Cura Cabay 145
Tel: 584-5046

Sabana Blanco 70
Tel: 583-4363

Shaba 1
Tel: 587-0621



Accidente na lusnan di trafico di aeropuerto



DIABIerna algo pasa di 11'or di anochi na e luznan di trafico di Aeropuerto un accidente a tuma luga unda un chauffeur bou influencia tabata envolvi. Di biaha a despacha Polis motoriza na e sitio y aki a bin topa cu un Toyota Yaris y un Toyota Tercel cora. A constata cu e chauffeur di e Tercel biniendo for di Playa bayendo San Nicolas no a calcula su velocidad y distancia pa cual el a bay dal tras di e Yaris. Ambos auto a haya daño material. Ta



ser sospecha cu e chauffeur di e Tercel tabata bou influencia di alcohol pa cual a detene pa core burachi tras di stuur y ocasiona accidente.

Masy Fral N.V.

Den e vakantie aki traha tur bo proyectonan leuk cu tur nos productonan

Anuncio importante

N.V. Elmar ta participa cu entrante 1 di augustus tin cambio den e Aansluitingsvoorwaarden di N.V. Elmar. Entrante tal fecha e articulon III y V ta formula di e siguiente forma.

Artikel III. Brandstofclausule.

De tarieven zijn gebaseerd op een in de met het Eilandgebied Aruba d.d. 14 februari 1964 gesloten elektriciteitsovereenkomst, verder te noemen inkoopcontract, nader gedefinieerd stookolieprijs.

V. Inkooptarieven.

Indien de in het inkoopcontract vastgestelde tarieven resp. brandstofclausule wijzigingen ondergaan, kunnen de tarieven resp. brandstofclausule van het elektriciteitsbedrijf worden aangepast.



Pa mas informacion yama 523-7100 of e-mail nos via info@elmar.aw



Bo ta gusta landa, ballet, musica y deporte?

Barracudas Club Aruba tin mester di bo!

DIASABRA 18 y 25 di augustus, di 9.00-11.00 am, Barracudas Synchronized Swimming Club lo tin su inscripcion anual pa tur aspirante cu kier join e club exitoso aki. Esakinan lo tuma lugar na Pisina Olimpico na Savaneta. Training lo cuminsa e prome siman di september. Tur informacion di dianan di training y contribucion lo wordo duna durante e diasabranan aki. No mester registra! Corda bin n'e inscripcion cu badpak, cap y goggles! Nos lo test bo abilidad di landa y flexibilidad. Si bo ta mucha muher y bo tin zwemdiploma A,B,C y no tin mas cu 10 aña, por acudi na Pisina Olimpico na Savaneta e diasabra 18 y 25 di augustus entre 8.00-10.00 di mainta. Barracudas Synchronized Swimming Club a ser funda na 1975 y ta un club hopi activo cu atletanan femenino di 8-19 aña di edad. E atletanan aki ta train y competi riba un nivel halto, pero tambe ta traha tempo pa goza di e deporte. Barracudas t'e unico club di synchronized swimming na Aruba y ta conoci den region di Caribe como un team fuerte.

No lubida di join nos riba Facebook!

Cumpra bo BYD F0 durante nos periodo di e campanja, hanja completamente **GRATIS!!** un gift certificate di Totto Aruba na balor di Afl. 500,- Y participa pa gana bo auto totalmente gratis.

Pa cada 15 BYD cu wordo bendi, nos lo rifa 1 den e 15 cumprado nan.

Campanja ta core for di 1 di Aug. 2012 te 31 di Oct. 2012
* BYD Aruba N.V. lo entrega un total di 20 gift Certificates.



Contact:
Cordia
528-4455
www.cordiaaruba.com

Agresor a laga su victima tur na sanger



Diasabra maduga Polis a wordo manda cu urgencia pa Silver Palace, situacion pa tras di edificio di Gobierno, pa un bringamento. Segun e informe cu a drenta, tin un persona corta tur na sanger. Patruya di Playa a yega di biaha na e sitio y enberdad a bin topa cu un homber tur na sanger. E victima a declara na Polis cu un



otro homber a bringa cune y a corte pero a baha na awa caba. Niun hende den e lugar sa ken e agresor ta. Ya cu ambulanc

enan tabata bastante druk cu accidentenan, a laga un amigo hiba e homber Eerste Hulp pa atencion medico.



Scol di Idioma ta entrega diploma nivel HBO: “Goed Nederlands schrijven” na SVb

sente durante entrega di e diplomanan. Directora Yolanda Croes a gradici p’e confiansa

deposita den su Scol di Idioma, un instituto di idioma renombra y conoci pa su profesionalismo. E graduadonan ta: Alicia Vrolijk, Denny Hernandez, Es-may Quandus, Franklin Kock, Mardou Monzon y Jorge Faro

como mihor graduado. Riba e potretnan por aprecia e grupo di graduado den compania di nan hefe, sr. Luis Tromp y Yolanda Croes. Tambe mihor graduado sr. Jorge Faro (9) cu Directora di Scol di Idioma. Un pabien na boso tur.

Otro grupo di empleado felis a ricibi nan diploma riba nivel di HBO for di Fundacion Scol di Idioma. Hunto cu sr. Luis Tromp, Hoofd Pensioenen na SVb cu tabata e motor tras di e curso importante aki, Directora Yolanda Croes, a haci entrega di e diploma “Goed Nederlands Schrijven” na 6 empleado di SVb cu a termina e curso aki cu exito.

Luis Tromp a bisa di ta sumamente contento cu e curso, cu ta facilita e graduadonan den formula y redacta carta y reportahe na Hulandes. Docente di e curso tabata sr. Conrad de Rozario, kende no por tabata pre-



Choller a bati y horta su victima

Diasabra alrededor di 3’or di atardi altura di edificio di Corte na Playa, den renobacion, un señora a haya un sorpresa di su vida ora un persona desconoci ta aserke y atake brutalmente, hasta a trata di choke. Aki ta trata di un choller cu a yega dilanti e señora y a gare di sorpresa choke y bente abou pa despues horta pertenencianan di e señora. E victima kende

a haya un cap na cabes tabata keha di dolor. Personal di ambulance cu a yega na e sitio a haye benta abou y a atende eyan mes pa despues transporte pa Eerste Hulp pa evalua e cap cu el a haya. E choller agresor mes no a wordo haya na e sitio, pero si e Polisnan a haya un descripcion di dje. E caso ta bou investigacion.



BK®CAESAR
SALAD



BK®CHEF
SALAD



BK®MEXICAN
SALAD



BK®GARDEN
SALAD



NEW
BKfresh Salads



MI TA STIMA MI TA CUIDA MI MES **BK POSITIVE STEPS**

 BurgerKingAruba

HOBEN A PERDE CONTROL Y A LAGA TUCSON TOTAL LOSS



DIASABRA algo pasa di 3:20 di marduga central di Polis a wordo notifica di un accidente basta pisa den e lorada skerpi di Washington unda un auto a plama riba un cas. Di biaha a despacha patruya di Noord cu urgencia. Na yegada di e patruya a bin topa cu un Hyundai Tucson total loss y un hoben chauffeur tras di stuur. A constata cu e ta biniendo for di noord riba un velocidad halto y a perde control bay straight dal den un cas cu tin altura di centro hubenil Washington. E impacto tabata asina fuerte cu e golpi fuerte a lanta e habitantenan den e cas di susto y a topa cu e auto aki pega riba nan muraya di camber. E muraya a keda intacto cu algun scheur. E auto mes a keda total loss y ambulance a presenta pa hiba e victima hospital pa haya atencion medico debi na e golpinan.

Deporte



EVOLUTION MOTORS

Rockefellerstraat # 1 Lok.2, P.O. Box 5322, Oranjestad Aruba

evolutionmotors@live.com

Tel:(297) 588 9294, Fax: (297) 588 9298

Mon - Fri 8:00 to 12:30, 2:00 to 5:30, Sat 9:00 to 1:00



Juan Martin del Potro a logra e brons na London

E argentino Juan Martin del Potro a logra gana cu score di 7-5 y 6-4 riba e serbio Novak Djokovic, number 2 di mundo, y asina logra e medaya di brons den Weganan Olimpico di London.

Del Potro, number 9 di mundo, a logra su prome medaya olimpico y ademas a aporta e prome pa e deporte argentino den Weganan Olimpico di London 2012. Den historia di tennis argentino, Gabriela Sabatini

a logra medaya di plata den single na Seoul 1988, y double forma pa Javier Frana y Christian Miniussi a logra brons na Barcelona 1992 y e pareha Paola Suarez y Patricia Tarabini e brons na Atenas 2004. Del Potro ta bira den e prome homber argentino na gana un medaya olimpico den singles di tennis. Y a hasi esaki nada menos cu den su prome participacion den Weganan Olimpico den su carrera.



Banco di Seguro Social Aruba

ANUNCIO RELACIONA CU 'SCHOOLVERKLARING' PA PENSIOEN DI HUERFANO

Tur huerfano entre 15 y 25 aña cu ta bay school den dia mester entrega e **'schoolverklaring'** pa e aña escolar **2012/2013**. Esnan cu ta bay school anochi mester entrega e **'schoolverklaring'** hunto cu e **'lesrooster'**.

Pa evita atraso den pago di pensioen di huerfano, e papelnan aki mester wordo entrega **no mas tarda cu dia 17 di augustus 2012** na SVb Departamento di Pensioen situa na Vondellaan 21, of na SVb San Nicolas situa na Bernardstraat 71. Pa mas informacion por yama 527 2760.

Ora un huerfano stop di bay school, e mester avisa SVb pa evita cu pensioen di mas wordo paga.

ir. Edwin M. Jacobs
Director

SVb - Seguridad pa Aruba su comunidad

GOLD PRICE TODAY

14k - Afl. 58 / 18k - Afl. 73 / 22k - Afl. 93



We only Buy Gold and Silver



QCA Metals

We are the answer!!
On Sunday's we come to you, call for reservation


Located at Jucuri 66, Sta Cruz - Tel: 585-6558

Open: Monday to Sunday from 10am to 8:30pm




Velocidad, velocidad y mas velocidad

Usain Bolt ta logra oro olimpico den 100 meter



E jamaiquino Usain Bolt, cu a perde su invisibilidad den e ultimo dos aña nan, a recupera su potencia bek pa bira den un leyenda di atletismo na gana su di dos titulo olimpico consecutivo den 100 meter cu di dos mihor tempo di historia (9.63), solamente cinco miliseconde di su record mundial. Su compatriota Yohan Blake, campeon di mundo, tabata di dos lugar apesar di core mas liher cu nunca (9.75), y Justin Gatlin, igualmente cu record personal (9.79), a salba e honor mericano na subi e podium hunto cu e jamaiquinonan. Dilanti un 80 mil persona, nan a Sali, e cuatro atletanan mas liher di historia: Bolt (9.58), Gay (9.69), Powell (9.72) y Blake (9.75). Bolt a Sali mas liher cu Blake y desde eynan su pia largo y poderoso a hasi tur e resto. Na mitar di e careda ya tabata dilanti di tur hende.



SALE SALE SALE

1-stop center

70% LABAMANO Y TOILET
70% LUZ & BOMBILLO

CODEMSA N.V. CUMANÁ 69 TEL: 582-2235
HORARIO DIALUNA PA DIABIERNA 8AM-12PM/1.30PM-5.30PM
DIASABRA 9AM-1PM



Scol Di Idioma

CURSONAN JULI+AUGUSTUS

Frans Beginners – Mandarin Beginners
English Brush-Up + Nederlands op Herhaling
Ingles-2 pa Latino – Hulandes Naturalisacion 1+2

Info + Registr.Pos Chikito 75-A
scoldiidioma@yahoo.com
Yama nos na: 5843768 - 6900169



Andy Murray ta logra bay cu e oro despues di gana Roger Federer



E biaha aki Andy Murray, representando Reino Uni, a gana e suizo Roger Federer den e veld central di Wimbledon y a concreta e soño di gana medaya di oro den Weganan Olimpico di London.

Menos di un luna despues di perde contra Federer den e mesun escenario cu e final di e Grand Slam, Murray a gana e suizo cu score di 6-2, 6-1 y

6-4 den un ora y 56 minuut y a conquista e medaya mas importante di tennis masculino den Weganan Olimpico.

E triunfo tabata e coronacion pa Murray, cu a perde t'e cu awo cuatro final di Grand Slam cu a hunga, incluyendo tres contra Federer. Menos di un luna pasa, Murray a Sali yena di dolor for di e stadion despues di perde den e final di Wimbledon.



OROCASH®
COMPRA Y VENTA

Prestamo riba cualkier articulo, manera **ORO, Auto y Aparatonan Electronico** y cualkier articulo pa cu bo tin balor.

Purba bo mes!
Bin cerca nos!

HABRI 7 DIA DI SIMAN

8:00 AM a 10:00 PM

Telf: 582.49.89

**Av. Alo Tromp Nro 2 Edif.
Kini kini Oranjestad, Aruba**



Brasil ta gana Honduras y ta drenta semifinal

LEANDRO Damaio, e delantero di Internacional di Porto Alegre, a rescata Brasil, cu dos gol y un pinalty, di un Honduras duro cu tabata merece hopi mas cu perde 3-2 diasabra, y asina Brasil ta clasifica pa siguiente round. Honduras a realisa un di e weganan mas importante di e historia di su pais, un wega di cual tabata tin Brasil gana den e 33 minuut cu ambos team a hunga, y asta a logra bay ariba na momento cu ya tabata tin menos hungador. Den e prome parti tabata tin un expulsion

y un grave error den defensa, despues di e 2-1 di Honduras, Velazquez ta manda Leandro Damiao vloer cu ta permiti Brasil score via Neymar, y asina empata wega 2-2. Solamente a pasa cuatro minuut desde e gol di Espinoza y solamente a wanta ocho minuut mas e score pa keda empata, di cual via un maniobra individual di Leandro Damiao, Brasil a logra bay ariba 3-2. Despues di ricibi di Neymar un bala den e area, e delantero a bira y los un tiro cu e keeper no por a hasi nada mas cun'e.



Operacion Street Legal tabata grandi diabierna anochi na Palo Marga



DIABIerna for di oranan tempran di anochi core dornan di auto, bromer y scooter a cuminsa yega na gran cantidad n'e pista di Palo Marga p'asina participa den e evento di Street Legal. Manera ta conoci e ultimo actividad di street legal pa motibonan fuera di alcanse di e organisadornan mester a wordo para aunke esaki ta algo cu nan no ta desea di haci constantemente como cu cada biaha cu para e caredanan di street legal na Palo Marga, esaki ta resulta den caredanan ilegal riba camindanan publico cu por tin su consecuencianan.

Diabierna pa compensa e situacion di caredanan cu a keda cancela e organ-

isadornan a dicidi di core tur e categorianan di street legal, esta street legal auto, bromer, scooter, Ladies Cup y King of the Street, y por a mira cu e acogida tabata grandi cu filanan di auto cu tabata sali te pafor di e staging area y drenta e pit area.

E programa a cana bon te ora cu a presenta algun problema cu e sistema di computer cu a pone cu e actividad a caba un basta laat. E ganadornan di e anochi a keda como lo siguiente:

Ladies Cup: 1. Jessica Werleman; 2. Yaya Simon.

Street Legal Car: 1. Derryl Wester; 2.

Jonovan Rosel.

Street Legal Bike: 1. Luigene Eduarda; 2. Benjamin Jones.

King of the Street: 1. Elton Tromp; 2. Steven Geerman.

Scooter: 1. Igor Alberto; 2. Raymond Tromp.

Mester remarca cu dos core dor cu a sobresali den e actividad aki tabata Steven Geerman den auto y Igor Alberto den bromer, ambos core dor a core den dos diferente categoria.

Den categoria auto Steven Geerman a core den street legal auto unda el a titula su mes como sub campeon y el a core tambe den e categoria King of the

Street unda el a sa di yega den e round prome cu semi final.

Den e categoria bromer nos ta haya Igor Alberto cu a core den categoria bromer unda el a yega te den e semi final y tambe el a core den e categoria scooter unda el a bira campeon n'e parti final.

Pues di e forma aki nos por wak cu e core dornan tin gana di core y ta purba tene nan mes activo na un manera legal y organisa riba Palo Marga na lugar di bay core caredanan clandestino poniendo nan bida y di otronan den peligro. E siguiente actividad di Street Legal ta programa pa tuma lugar diasabra 18 di augustus proximo.

Formando parti di Antiyas y awor di Corsou autonomo

Na 8 ocasion a desolve Parlamento

Aruba a pasa esaki na 4 ocasion

DELIBERANDO cu nos hendenan na Corsou, a dicidi di haya un analisis di e situacion politico di Antiyas y di Corsou di awe, pa sa cuanto biaha e desolve Parlamento. E ta un analisis sigur masha interesante.

Dean Rozier, e Parlamentario di MFK y te cu siman pasa “amigo y hòmber di confiansa”, di e lider di MKF, Gerrit Schotte, cu eleccion pasá (augùstùs 2010) a haña 209 voto, a dicidí diahuebs anochi den e reunion cu MFK a tene, cu e lo no sostené Gabinete-Schotte mas, keda cu su asiento y lo bay posicioná su mes como “Independiente” den Parlamento di Còrsou...!

Esaki a causa hopi lamento c.q yoramentu (!) diahuebs anochi na sede di MFK, segun nos fuentenan...!

Te cu diahuebs mèrdia, liderazgo di MFK a kere cu Dean Rozier lo a entregá su asiento manera e més a indicá na vários ocasion, pero segun nos fuentenan, despues di un encuentro cu Rozier tabatin cu Eugene Cleopa (na cas di Cleopa!), el a dicidí definitivamente cu e lo kibra cu e coalicion MFK/PS/MAN, mescos cu Eugene Cleopa a haci siman pasa tambe y bira “Independiente”...!

Pues awor sí, Gabinete-Schotte no por carga ningun speranza mas, pa motibo e mayoria oficial cu tabata sostené Gobierno di “11”, cu of no “gedoogsteun” (!) di FOL a cay te na “9”...!

Cu e hecho aki, Minister-Presidente Gerrit Schotte mester a entregá su retiro na Gobernador di Còrsou, mr. Frits Goedgedrag, of Gobièrno mester dicidí pa disolvé (*ontbindt*) Parlamento conforme art. 53 di e “*Staatsregeling*” di Corsou, y convoca un eleccion dentro di

tres luna, cu ta un prerogativa (“*ontbindingsbevoegdheid*”) di Gobièrno...!

Segun nos, e manera mas digno pa un Gobièrno actua, cu haña su mes den un situacion político manera esun actual, esta pèrdè sosten di dos Parlamentario di dos diferente partido (MAN y MFK) ta di disolvé Parlamento, y laga pueblo di Còrsou dicidí na promé lugar riba comportacion di e dos políticonan aki y tambe riba e gobernacion di último 20 luna di Gabinete-Schotte, despues cu Còrsou a bira un pais autónomo den Reino Hulandes...!

Nos ta sita e MvT riba e ley (art.53 di PB 2010-No.86)) aki: “...*Het eerste lid van dit artikel geeft aan dat de Staten tussentijds bij landsbesluit kunnen worden ontbonden, hetgeen de ministeriële verantwoordelijkheid voor een zodanig besluit weergeeft...*”

Na Hulanda tambe recientemente, na momento cu Gabinete Rutte/Verhagen a pèrdè sosten di su “*gedoogpartner*” PVV, partido di Geert Wilders e promé cos cu Gabinete-Rutte a haci ta bay La Reina y despues dicidí pa disolvé Parlamento y pone un eleccion pa dia 12 di sèptèmber awor..!

Desde 1954 te cu awor no ménos cu 7 biaha un Gobièrno di turno a haci uso di su “*ontbindingsbevoegdheid*”, esta disolvé “Staten” y proclamá un eleccion...! Siguietemente nos ta informá di e 7 casonan aki:

1. Na 1954, ora Gabinete-da Costa Gomez a haci uso di su prerogativo y disolvé “Staten”, debí na un conflicto cu a surgi entre NVP y AVP...! Pero e experto W.E.J. Tjeenk Willink den su buki: “*Staatsrecht van de Nederlandse Antillen*”, ta

di opinion cu e “*ontbinding*” aki (sèptèmber 1954), tabata *overbodig* pa motibo ya tabatin un eleccion proclamá pa 15 di novèmber 1954...!

2. Na 1958, tambe “Staten” a keda disolvé pa Gabinete-Jonckheer relacioná cu e caso De Wit (Redactor en Hefe di B&N) cu Gabinete-Jonckheer kier a saca for di Còrsou...! Den e caso aki e experto mr. Carlos Dip ta di opinion cu Gobièrno a haci maluso di su “*ontbindingsbevoegdheid*”...! Nos a sita opinion di mr. Carlos Dip: “*Dip is van mening dat de regering hier misbruik van haar ontbindingsbevoegdheid heeft gemaakt, omdat hier geen sprake was van een conflict tussen regering en Staten, maar een conflict tussen Gouverneur en regering*”...!

3. Na jüni 1969, despues di “30 di mei”, Gabinete-Kroon a disolvé “Staten” y proclamá un eleccion pa 5 di sèptèmber 1969, apesar cu e Gabinete tabatin suficiente sosten den Parlamento, pero tòg Gobièrno tabata kier a laga pueblo dicidí riba e situacion despues di “30 di mei”...!

4. Na april 1979 Gabinete-Rozendal relacioná cu un conflicto cu ABVO/BTG, y ora Gobièrno a sinti cu e no por conta cu un sosten den “Staten” mas a dicidí pa disolvé “Staten”, y yama un eleccion pa dia 6 di jüli 1979...!

5. Na maart 1982, na momento cu Boy Rozendal, contra instruccion di su partido (DP) a kita sosten di Gabinete-Martina, tambe Gobièrno a haci uso di su prerogativo y disolvé “Staten” y proclamá un eleccion pa dia 25 di novèmber 1982...!

6. Na 1985, tambe “Staten” a keda disolvé pa Gabinete Liberia-Peters-1, relacioná cu salida di Aruba for di e Constelacion Antiano, y a bin un eleccion dia 25 di novèmber 1985...!

7. Na novèmber 1993, e último “*ontbinding*” di Staten a tuma lugar, di e último 58 aña (1954-2012) pa Gabinete Liberia-Peters, esaki a tuma lugar un par di luna promé cu su periodo di gobernacion a vence, e “*ontbinding*” aki tabata relacioná cu e resultado di e Referèndum di 19 novèmber 1993, y e eleccion a keda acelerá pa 25 febrüari 1994...!

Pues cu awor, Gabinete-Schotte dicidi pa haci uso di art. 53, di e “*Staatsregeling*” cu ta un prerogativo, esta un “*bevoegdheid*” di Gobièrno, ta bira e di 8 biaha cu un Gobièrno di turno ta haci uso di su autoridad cu e tin a base di nos “*Staatsregeling*”, den historia político di Corsou (Antiyas) desde 1954 te cu awor...! Den esaki tambe Aruba a forma parti, te cu 1986, ora cu Aruba a haya su Status Aparte.

SITUACION NA ARUBA

Aruba como pais hoben, 26 aña, tambe a conoce situacionnan similar, unda cu Parlamento tambe a keda disolve na 4 ocasion.

1. Na 1988, Gabinete Henny Eman 1 a dicidi di disolve Parlamento y bay un eleccion adelanta. E tempo ey, e argumento tabata e representacion den Parlamento no ta manera desea, AVP, PPA, PDA, y ADN. Y tabata e partidonan PDA y PPA a conoce kiebri y miembronan a declara nan mes independiente.

2. Di dos biaha, tabata Gabinete Nel Oduber 1, na 1994 unda despues di a bay Hulanda hunto

cu Henny Eman a bolbe y a bin bisa cu e no kier traha cu zapato bieu mas, referiendo e tempo ey na PPA y ADN, y como no por a forma un Gobièrno cu AVP, manera Hulanda a pidi nan, a bay eleccion.

3. Di tres biaha tabata na 1997 ora cu Gabinete Henny Eman 2, cu tabata forma pa AVP y OLA, y mirando cu eleccion tabata dilanti porta caba y a surgi un diferencia grandi entre OLA y AVP.

Sigur entre Mary Wever Lacle y dr. Lili Beke-Martinez, unda hasta e palabra “postema” a cay y como tal a finalisa e confianza cu tabatin e tempo ey entre AVP y OLA.

4. Na 2001, tabata di 4 biaha cu Parlamento a keda disolve, cu tabata Gabinete Henny Eman 3, cu tabatin sosten di AVP y OLA, y aki e motibo tabata e proyecto di Racetrack. Despues di eleccion aki, OLA no a bin mas y tabata MEP cu a forma despues 2 Gabinete Oduber mas.



DANKI PA YAMA
E celular aki ta dibo si bo tip conduci na un articulo exclusivo

HOTLINE 733-8477
Digicel
E Red Mas Grandi y Mihor.

AWE Mainta



Miembro di IOC, sra. Nicole Hoevertsz a haci entrega di medaya den Weganan Olimpico



MAS cu claro uno mester ta orguyoso ora cu un Arubiano haya e oportunidad di haci entrega di medaya den e evento deportivo mas grandi di e planeta aki cu t'e Weganan Olimpico, unda biyones di hende ta sigui esaki sea ta via television, website, corant y/of radio. Despues cu algun dia atras ya a haci entrega di medaya den un evento di landamento, diasabra un bez mas miembro Comité Olimpico Internacional, sra. Nicole Hoevertsz a ser apunta pa haci entrega di medaya, e biaha aki den e deporte di hisamento di peso. Como miembro di IOC, sra. Hoevertsz a entrega di medaya den e categoria di 94 kilogram gana p'e atleta llya llyin di Kazakhstan, un atleta cu a sa na ripiti e hazaña dor di logra gana medaya di oro na Beijing 2008 y awor Londres 2012.

Un pabien na sra. Nicole Hoevertsz, kende sigur a yena henter e delegacion cu orguyo, kendenan a mira e entrega di medaya via e pantayanan di television Olympic Broadcasting Services.



BBC London Radio 94.9 a entrevista cu atletanan Jemal Le Grand y Jayme Mata y tambe Nicole Hoevertsz di COA



DESPUES cu algun dia atras e canal oficial di Weganan Olimpico di Londres, Olympic Broadcasting Services - OBS, a entrevista nos atleta John Carl Henriquez, awor un otro reportero kier a realiza un reportahe di nos delegacion Arubano participando n'e weganan. T'asina cu e reportero di BBC London Radio 94.9, Jonathan Savage, a pidi si e por a haci un reportahe di e atletanan di Aruba mirando hopi biaha na Weganan Olimpico t'e atletanan profesional of di paisnan grandi so ta haya tur e atencion.

P'e motibo aki Jonathan Savage tabata kier pa nos atletanan Jayme y Jemal conta e radio-oyentenan na Londres, kico ta pa un atleta di un pais chikito manera Aruba cu ta keda na full e otro banda di mundo competi n'e evento deportivo mas grandi na mundo. Tambe el a puntra ambos atleta con nan preparacionnan a bay y kico tur por spera di ambos pa cu proximo Weganan Olimpico. Mester bisa cu Jonathan Savage a realiza un entrevista tambe cu Secretario General di COA, sra. Nicole Hoevertsz. Aki el a a puntra Nicole Hoevertsz tocante e importancia di e participacion pa Aruba na Weganan Olimpico como tambe su rol den e Comité Olimpico Internacional.

Ta bon pa bisa cu e reportero Jonathan Savage di BBC London Radio ta un bishitante regular di nos dushi isla di Aruba y su partner ta procendente di Aruba. E cobertura aki sigur ta un bunita propaganda pa Aruba, unda cu BBC London Radio ta goza di un sintonia grandisimo.

NEW

PARMESAN BREAD BITES

≡ MADE TO BE SHARED. WE DIDN'T SAY IT'D BE EASY. ≡

PERFECT FOR SHARING, THESE NEW OVEN BAKED, BITE-SIZE BREADSTICKS ARE LIGHTLY SPRINKLED WITH PARMESAN-ASIAGO CHEESE AND SEASONED WITH GARLIC AND MORE PARMESAN.



**CALL
NOW!**

Palm Beach

Playa/ Tanki Leendert

Savaneta

586 0333

582 0333

584 0444

GET THE DOOR. IT'S DOMINO'S®

Scol di Idioma cu diploma quarta principiante

SCOL di Idioma, bao direccion di su Directora Yolanda Croes, a cuminsa cu su prome proyecto un curso di quarta pa mucha. El a cuminsa esaki pa un grupo grandi di hoben di barío di Pos Chikito y becindario. Awe nan ta tres aña mas leu y e grupo cu a permanece y perdura no ta di e grandi ey mas na cantidad, pero grandi na calidad.

Tur diasabra merdia, e muchanan tabata yega cu quarta riba lomba pa perfecciona nan toca. Bou guia di jufrou Mirla Lande-de Cuba y Mirtha de Haseth-Bislick, e muchanan a siña un scala grandi di acord y e slagnan mas usa di quarta pa nan por

compaña un gran asortimento di cantica.

Durante un anochi ameno y den compania di e mayornan, e muchanan a ricibi nan diploma for di man di Directora di Scol di Idioma sra. Yolanda Croes hunto cu nan docente di quarta, sra. Mirtha de Haseth-Bislick. Di e chikitinnan a slaag Nia Simmons y Astrianty Croes, dos cu-artista cu a perdura te na final. Riba e potretnan por aprecia e momento cu nan a ricibi nan diploma for di juf. Mirtha. Nan mayornan tabatey presente pa admira progreso di nan yiunan.

Scol di Idioma ta gradici nan pa nan pasenshi y persever-



ancia pa trece nan yiunan tur diasabra fielmente na Scol di Idioma na Pos Chikito pa nan les di quarta. Director di Scol di Idioma y iniciador di e proyecto pa Muchanan di Barío, Yolanda Croes, ta pidi mayornan pa sigui

check nan propaganda den e corant aki, p'asina haya sa si ta sigui cu un Grupo-3 di Cuarta. Plan tin pa start den september cu un grupo nobo di adulto y mucha. Sigui nos anuncio den e AWE**Mainta**.



AWEMainta****
e corant di Toko
Tel: 583-1400 Fax: 583-1444

RCA a presenta trofeo na Minister di Deporte, Richard Visser



aki.

Nos ekipo U-10 ta sali den su prome wega y derota Puerto Rico 6 pa 1, den nan di dos wega U-10 ta derota Brasil 3 pa 1 y den nan ultimo wega di grupo nos U-10 ta cay venci contra Florida 3 pa 2.

Den semi-final U-10 ta topa cu un Costa Rica di basta estatura y nos mucha nan ta cay venci 7 pa 1. U-10 ta keda na di 3 lugar y ta ricibi nan medaya di brons y trofeo. Costa Rica ta sigui y bira campeon U-10.

Den categoria U-11 e team tabatin solamente un reserva y esaki a pisa den e prome wega ora nos U-11 cay venci cu Interminas do Brazil 7 pa 0.

Den di dos wega, U-11 ta tuma bentaha 1-0 y 2 pa 1 riba Puerto Rico, pero atrobe falta reserva ta hunga un factor y ta cay venci 3 pa 2 contra Conquistadores Guaynabo de Puerto Rico. Ambos gol di Aruba ge-score pa G'xon Schwengle.

Di tres wega U-11 ta logra empata na 1 gol cu Calasanz Piedad y Letras di Costa Rica den un wega cu a start 8'or mainta y e muchanan a lucha sin banki. Gol anota pa Brandon Sneek. Ya elimina U-11 ta topa otro ekipo di Brasil Esporte Pinheiros pa di 5to puesto y den un bon wega U-11 ta gana 2 pa 1 di Brazil pa caba na di 5 lugar.

Golnan anota pa Kevin Penha y G'xon Schwengle.

Nos U-13 ta habri vs Canada y keda na 0-0, di dos wega ta vs Surf SC di Florida y ta bolbe

empata 1-1, den ultimo wega di e grupo U-13 ta empata cu Colombia 1-1, y asina ta pasa pa semi-final.

Den un candeloso partido unda Academia Rivelino di Brazil ta haya dos penalty basta dudoso, RCA ta cay venci 1-0 ya cu un penalty a bay afo. Cu 2 gol di Santiago Calero U-13 RCA tambe ta logra medaya di brons y ricibi nan trofeo.

Brazil ta gana e final di Colombia y bira campeon U-13. G'leen Schwengle di team RCA Dames a hunga como Guest Player den St Pierce Hudson Hawks di Montreal Canada y nan team ta keda na di dos lugar, y asina G'leen ta yega Aruba cu su Medaya di Silver.

Jean Pierre v/d Linden di RCA ta reforsa Panama U-14 y laga un bon impresion cu varios gol. Nathan Lacle tambe di RCA a reforsa Colombia U-14 y tambe a laga un señor prestacion atras. Dirigentenan di RCA ta logra sera bon contacto cu teamnan di Canada y Brazil. RCA ta gradici La Fama, Britania y Washington cu a coopera cu RCA pa por a haya hungadornan pa join e trip. Un danki na Minister di Turismo, Otmar Oduber, kende a sponsor ARUBA shirts pa full e delegacion, esaki a luci na apertura ora cu e delegacion completo a yega uniforma cu t-shirt di ARUBA.

Un danki na leidster nan, tur mayor y coachnan Rafa, John, Veron, Marco, Gio, Sawasky y Wilfred.

Dia 12 di juli ultimo, un delegacion di casi 120 persona a sali pa Orlando, Florida unda SVRCA a

participa n'e ESPN World Youth Soccer Disney Cup. E biahe aki a keda realisa cu

ayudo di Kiwanis Palm Beach y tur persona cu a cumpra rifa pa coopera cu e bunita proyecto

shaba

Car Accessories

Tanki Flip 119 Tel:5878888

Nos tin diferente size di tire na bon prijs y bon calidad

155-80-13 afl. 106.00	205-45-16 afl. 145.00
165-65-13 afl. 106.00	225-50-16 afl. 175.00
165-70-13 afl. 106.00	215-65-16 afl. 181.00
175-70-13 afl. 111.00	215-70-16 afl. 193.00
175-65-14 afl. 117.00	235-60-16 afl. 197.00
175-70-14 afl. 119.00	255-70-16 afl. 254.00
185-65-14 afl. 128.00	215-45-17 afl. 175.00
195-60-14 afl. 140.00	225-65-17 afl. 200.00
205-70-14 afl. 160.00	245-70-17 afl. 252.00
195-50-15 afl. 135.00	245-40-18 afl. 195.00
195-60-15 afl. 146.00	275-45-20 afl. 275.00
195-65-15 afl. 154.00	185R-14C afl. 173.00
205-65-15 afl. 169.00	185R-15C afl. 177.00
225-70-15 afl. 204.00	195R-14C afl. 183.00

Open from: Monday-Saturday

Hours: 9:00am-1:00pm 2:30pm-7:00

DRAGON

CD & ELECTRONICS

Mainstreet San Nicolas Tel. 584-3999

open 9.00 - 13.00 and 14.30 - 18.30

Vacation Special



Samsung S2
Afl. 1050.00



Iphone 4S
Afl. 1575.00



Blackberry 8520
Afl. 350.00

Also: Iphone 4, Samsung S, Samsung Note,
Blackberry torch, bold2, bold 3, 9790, curve 9360, curve 9220, 9320 and more.
Hp Laptop 15.6" 4Gb 320Gb Harddisk. Afl. 999.00
Hp Laptop 15.6" 2Gb 250Gb Harddisk Afl. 829.00
Hp Ink cartridges, Universal laptop adapters etc...

Sales, repair and accessories for all blackberry models and other cellualars.
Unlock, reload, reset, upgrade, replace led, keypad, speaker etc.....
Also repairs of iphone, Nintendo ds, playstation, Xbox 360, Wii etc...

PERDE 10 KG PA LUNA

- Bo no por baja di peso?
- Bo ta dispuesto pa cambia bo bida?
- Anto purba e tratamieto di Dr. Lampe
- Sin cirugia sin hanguja
- Baja 10 kg pa luna

GARANTISA

Stadionweg 16 • Tel:588-0084 • Fax:588-0083

Dreaming of a vacation?

Walt Disney Tour

September 29 - October 7

Tour: Magic Kingdom ~ Disney Hollywood Studios
Universal Studios ~ Island of Adventure ~ Sea World

ALDO
Travel Bureau Inc.
Tel: 582-1992

**Las Vegas
SOLD OUT**

Servicio pa Comunidad

Telefon di Emergencia

Number di emergencia	911
Polis	100
Brandweer	582-1108
Ambulance O'stad	582-1234
Ambulance S.N.	584-5050
Hospital	527-4000
Centro Medico	524- 8833

Botica na Warda

Pabou di Brug: Kibrahacha N.V.
Pariba di Brug: Aloe N.V.

Dokter na Warda

Pabou di Brug: dr. John Croes
Pariba di Brug: dr. _____

Otro Servicionan

Setar Info	118
Digicel Info	145
Setar	582-5151
Elmar	582-3700
WEB	525-4600
Serlimar	584-5080
Rode Kruis Aruba	582-2219
FADA	583-2999
AA/NA helpline	583-8989
Fund. Abuso Sexual	582-4433
Fundacion Guia'mi	587-1677
Fund. Muher	
den Dificultad	583-5400
Fund. Tel. Pa Hubentud	131
	588-6138
Accion Rescate	584-2718
Centro Kibrahacha	588-3131

Polis

Polis Tipline	11141
Oranjestad.	582-4000
San Nicolas	584-5000
Savaneta	584-7000
Santa Cruz	527-2900
Noord	587-0009
Strandpolitie	586-3003
Balashi	585-2500
Aeropuerto	524-2424
Aruba Transfer Tour & Taxi	
	583-2856
	582-2116
Best Taxi Services	588-3232
Coop. Ver. Tas	587-5900
ATS	583-5361
Arugas	585-1198
S.O.S. Teleayudo	583-1190

EDITA PA: The Media Group,

Margrietstraat 3, Oranjestad, Aruba,
tel. (297) 583-1400, fax. (297) 5831444,

E-mail: noticia@awemainta.com.

CUENTA DI BANCO: C.M.B. #229-
82600.

ABONEMENT Afl.25,00 pa luna.

ORA DI OFICINA: Dialuna pa Diabierna

8 a.m. - 5 p.m.

IMPRENTA: Imprenta Nacional Arubano.

DIRECTOR: Victor "Toko" Winklaar &
Victor R. Winklaar

REDACCION: noticia@awemainta.com.

BENTA DI AVISO:
sales@awemainta.com

PINOCCHIO
Kerkstraat #16 - Tel: 582-2266

*Pa fiesta y regalo di Santa
Comunion, pasa serka
Pinocchio
Nos tin diferente
juete, blaas, dino jump
y hopi mas !!!*

Barbie

Tel:582-2266 / 564-1977

Castrol
MOTOR OIL

LUCAS
OIL PRODUCTS INC.

Valvoline

Kendall
MOTOR OIL

Shell

RIMULA DIESEL
MOTOR OIL

Simply THE BEST.

NANKANG
205/40R17
SPECIAL
awg. 178.00

XCEL MOTOR OIL
from awg. 7.00

SPARK PLUGS
NGK - DENSO
AC DELCO

UNLIMITED PARTS & ENTERPRISES N.V.
MORGENSTER # 12 - B TEL: 583 1001

Cliente cu a huy di Centro haya door di Polis



DIASABRA anochi durante cu e personal di Centro Dakota a tene su control rond a tuma nota cu den un di e cambernan falta un di nan clientenan.

Ta trata aki di Christian De La Cruz. Mesora a cuminsa un investigacion y a bin constata cu berdad e no ta den ningun luga eyden. Di biaha a bati alarma y Polisnan a cuminsa cu buskeda rond pa wak si por topa cu De La Cruz. Diadomingo mey anochi un patruya a bin topa cu e conocido De La Cruz den bisindario di aeropuerto y e patruya a hibe bek Centro Dakota pa e por sigui cu su rehabilitacion. E hoben de La Cruz a wordo poni bou curatela debi na su problema cu droga.

TIPO DI CAMBIO OFICIAL

Valido pa 31 Juli 2012

Placa Extranhero	Bank Papieren	Wisselen, Cheque Reis Cheque en Over Boekingen	Benta na Publico
US Dollar	1.77	1.78	1.80
CAN Dollar	1.76	1.78	1.80
Engelse Pond Sterling	2.72	2.77	2.83
Zwitserse Frank per CHF. 100	181.90	182.62	183.42
Ned.Ant. Gulden per ANG. 100	98.00	100.00 biljetten chq./overboeking	100.20 100.00
Japanse yen per JPY. 10.000	225.77	227.83	230.12
Euro per XEU. 100	216.81	218.78	220.98



Provision di Devisa 1.3%
Segun articulo 12 di Afkondigingsblad di Aruba 1991 nr.GT 32.
Banco Central di Aruba ta defini e tipo di cambio oficial pa e cambionan di placa extranhero.

BANCO DI CARIBE

Labco **MEDICAL / HOME HEALTHCARE**
RENTAL/SALE of Medical & Home- Healthcare
* Wheelchaires * Oxygen Concentrators/Cylinders
* Beds * Difficulty Walking
* Walkers * Rent a portable electro scooter
* Bathchair (Fits in all cars, trucks, 41lbs).
* Commodes
* Crutches / Canes
Tel: 582-6651 Fergusonstraat #52, Dakota

Horoschoop

Aries 21 Mrt - 20 Apr
Un muher, mama, amiga, ruman muher ta lagá bo enfrentá realidadnan masha necesario pa bo desaroyo personal. Dominá corahe y yalusí.

Tauro 21 Apr - 20 Mei
Studia bon e tereno cu bo pisa promé di hinca bo mes den un aventura amoroso. E pasado ta bisa awor presente den bo bida. .

Geminis 21 Mei - 20 Jun
Problemanan scondi, íntimo, den bo circulo familiar ta wòrdo solucioná o pordoná. Bo ta establecé riba basenan firme..

Cancer 21 Jun - 20 Jul
Mantené semper un balanse adecuá den bo relacionnan personal. Bo necesidad di yuda otro personanan ta enfatisá awe.

Leo 21 Jul - 20 Aug
Pone e cosnan na cla n'e momento cu e sosodé, pero di un manera diplomático. Pensa bon loke bo ta bay haci y loke bo ta bay bisa promé di actua.

Virgo 21 Aug - 20 Sep
Bo deseo di studia ta envolví den seminario, conferencia y otro actividadnan relacioná cu estudio. Tur cos ta bira rond di bo..

Libra 21 Sep - 20 Okt
Bo emocionnan ta intensificá, atrayendo na bo hende poderoso, di fuerte personalidad manera abo. Busca pa bo uni den sociedad cu un hende cu apénas bo conocé.

Scorpio 21 Okt - 20 Nov
Tur idea cu ta pasa den bo mente ta wòrdo bon ricibí p'esnan cu ta deseá di yuda bo pa alcansá éxito. Probechá bo racha di bon suerte.

Sagitario 21 Nov - 20 Dec
Descansá di bo preocupacionnan y invertí bo energia pa sigui dilanti cu bo excelente trabou como ser humano y e spiritual cu bo ta.

Capricornio 21 Dec - 20 Jan
Biba den abundancia loke bo merecé, loke cu esfuerso bo a gana. Si bo tin plannan di biaha, sigui dilanti cu nan y no permití miedo stroba bo.

Aquarius 21 Jan - 20 Feb
No permití cu bo orguyo ta distancia bo di esun cu bo stima. Ta posibel cu bo ta mira bo mes obligá encuanto bo pareha pa mantené pas den e relacion..

Piscis 21 Feb - 20 Mar
Concentrá bo energia pa pone mas interes pa bay tras di e conquista di e locual cu e ta brinda bo. Confia den bo amistadnan bieu..



Biba cada momento

" Cerca Dios so mi alma ta na pas,
ta di dj'E mi salvacion ta bini. "
Ps. 62:1

Cu inmenso dolor y hopi tristeza na nos curazon, Pero conforme
cu boluntad di Dios, Nos ta anuncia fayecimento di:



Sr. Edmund Olivio Dañe

Cariñosamente jama 'Cunchi'
16 juli 1947 – 3 augustus 2012

Na number di su :

Esposa: Ramona 'Ona' Hassell

yiunan: †Russell Dañe

mayornan: Doy y Colati Dañe

rumannan: Belinda Maxwell y yuinan
Abel 'Japi' Dañe y yuinan
Elisabeth 'Lili', Mai Arends y yiu
Fabian y Francis Dañe
Rosa, Bruno Nicita y yiu
Erwin 'Win' Dañe y yuinan
Annie Dañe y yiu

Suegra: Romana 'Chuchu' Delaney-Hassell y yuinan

Tanta, swa y cuñanan, primo y primanan, comer y compernan

Famianan Dañe, Hassell, Maduro, Maxwell, Delaney,
Arends, Dania, Danje, Marin, Werth,
Ras, Koolman, Webb, Geerman, Angela, de Cuba, Perez, Malm-
berg, Henriquez, Vlaun, Diaz, Vasquez, Rasmijn, Surmay, Loopstok
y demas famia, amigonan, conocirnan y ex-coleganan di Radisson
Hotel

Nos ta pidi disculpa si den nos tristeza nos a
lubida algun familiar.

Acto di entierro lo tuma lugar diamars mainta, 7 di augustus 2012
pa 11'or di mainta saliendo for di The Olive Tree Funeral Home
(Cumana) pa santana Catolico Pastoor de Vries na Santa Cruz.
"Cunchi" lo ta reposa for di 9'or di mainta na the Olive Tree Funeral
Home, Avenida E.J. "Watty" Vos 44, Cumana

Adres pa condolencia: the Olive Tree Funeral Home (Cumana)
Dialuna 6 di augustus 2012 di 6pm pa 8pm

Despues di entierro no ta ricibi bishita di condolencia na cas.

Bernhardstraat 134-136 - San Nicolas Tel 584 8888
theolivetreefuneralhome@gmail.com
www.theolivetreefuneralhome.com



Biba cada momento

De Heer is mijn Herder, mij ontbreekt niets
Hij doet mij nederliggen in grazige weiden
Hij voert mij langs rustige wateren,
Hij verkwikt mijn ziel,
Hij Leidt mij in de rechte sporen
Om zijns Naam wil

Na een kort ziekbed, is van ons heen gegaan, onze liefhebbende
echtgenoot, vader, grootvader en overgrootvader



Dhr. Edward Raymond Ferrier

beter bekend als Eddie
4 februari 1919- 3 augustus 2012
Ridder in de orde van Oranje Nassau

Namens zijn:

Echtgenote: Rosenda Ferrier- Penja
Kinderen: Eddie Ferrier Jr en Marijke Samson
Nancy en Jan Withagen-Ferrier
Kathleen Ferrier
Lloyd Ferrier

Kleinkinderen: Rose-Ann Anthony en Jair Wever
Mark Anthony en Maartje
Roduard Ferrier

Broer en zusters: Eleonore Ferrier
Henry en Yvonne Ferrier
Martha Ferrier

Achterkleinkinderen: Kirsten Anthony
John-Henry Wever

Nicht: Jetty Haakmat-Fernandes
Neef: Alain Ferrier

Zijn hulp: Angie Roberts

Zijn vrienden: Gerard Anthony, Sheila Bareno, Paul en Milly van
Niel,
Nandy en Willy Lo-Fo-Sang, Marie Valois-Smith, Ronnie en Ina
Guda
Lia en Ricardo Zievinger

Neven en nichten, overige familieleden op Aruba, in Suriname,
Nederland, USA,
Cura ao, St Maarten, oud burenen van Socotero
Families: Ferrier, Penja, Fernandes, Withagen, Samson, Anthony,
Wever, Kock, van Niel,
Lo-Fo-Sang, Valois -Smith, Guda, Zievinger, van Kempen

Er is gelegenheid om afscheid te nemen en de familie te condol-
eren op dinsdagavond 7 augustus van 19:00-21:00 in the
Olive Tree Funeral Home, Avenida E.J. "Watty" Vos 44, Cumana

Uitvaartdienst zal later bekend gemaakt worden.
Gelieve geen rouwbeklag aan huis.

Bernhardstraat 134-136 - San Nicolas Tel 584 8888
theolivetreefuneralhome@gmail.com
www.theolivetreefuneralhome.com



Gradicimento y Invitacion

Den nomber di Famia Kelly - Figaroa ta
gradici tur esnan cu di un of otro manera a
demonstra nan atencion durante fayeci-
mento y entierro di nos mama, wela,
bisawela y tanta stima:

Sra. Vda. Juliana Kelly Figaroa

Un danki special ta bay na: Stichting Thuis Zorg, esnan cu a
manda telegram, telefoon y medionan social. Na henter famia,
amigo y conocirnan cu a duna nos sosten den e momentonan
difícil.

Alavez nos ta participa cu lo bay tin 3 sacrificio di misa na Misa
Sta. Anna Noord;

Dialuna 6 Augustus pa 06:30 pm.

Diaranson 8 Augustus pa 06:30 pm.

Diasabra 11 Augustus pa 07:00 pm.

Despues di misa di Diasabra 11 Augustus, lo bay tin un Santo
Rosario na Palm Beach 144 pa descanso di su alma.

Boso presencia lo ta altamente aprecia.

Hombernai bailando riba caminda alcansa pa auto

NA haltura di Italo Arubano na Cumana diabierna
anochi laat, 2 homber habla spaño ta manda pidi
un taxi pa hiba nan na nan cas.

Na yegada e taxi ta bin ripara cu e dos personanan
tawata para otro banda di caminda. Ora nan dos a
cuminsa crusa caminda ambos a cuminsa baila, sin
tene na cuenta cu tawata tin un auto cu ta bin di
Playa, direccion Santa Cruz. E auto a alcanza e dos
hombernai aki. Ambos a haya basta golpi y herida
na nan cabes y curpa. Nan a ser atendi pa personal
di ambulance y transporta despues pa hospital. Ta
ser sospecha cu e dos cabayeronan aki tawata baou
influencia di alcohol.



AWEMainta****
e corant di Toko
Tel: 583-1400 Fax: 583-1444

Clausurando vakantie 2012

Concierto di 'Back to School' cu Upgrade Music & Friends gratis cu U by Kotex



'U By Kotex' atrobe ta bin cu un tremendo campaña pa huben-

tud, hunto cu e tremendo concierto di Upgrade Music. E tema

di concierto aki ta "Back to School" y e concierto ta enfoca

riba e grupo mas hoben di e fanaticada grandi di Upgrade Music.

E banda aki ya a haci varios presentacion na diferente localidad, pero tur di nan tabata den club nocturno y mas cu claro tabatin restricción di edad. P'esey mes e concierto aki ta pa tur edad y lo crea un area special p'e hobennan, p'asina nan tambe por disfruta di e banda hoben y local di mas grandi na Aruba.

Pa haya bo carchi completamente gratis ta masha facil, door di djis haci bo compra di un paki di 'U By Kotex' y bo ta cla. Por cambia e paki aki hunto cu bo recibo na Nature's Discount situa na Seroe Blanco dilanti e edificio di APFA.

E evento lo tuma lugar na Renaissance Arena, e parti habri

patras di e parking lot y Upgrade Music lo presenta cu algun artista invita, cu tambe a parti di algun di nan exito, manera Enmeris y Da Ridlaz for di Corsou y local lo tin Le Groove y mucho mas.

Tambe lo tin algun DJ invita, manera; DJ Speedy – Vibes – Edson JR – Spike y 101, cu lo fungi como e MC p'e anochi. Esaki ta un forma unico, cu un trato di VIP p'e Upgrade Guys & Friends, p'asina demonstra nan gratitud y alabes duna nan e importancia cu nan merece.

Porta lo habri for di 6or di atardi p'asina duna chens na tur hende pa yega na tempo y forma parti di e concierto di mas spera di e vakantie 2012.

Probecha awe mes pa cumpra bo paki di 'U By Kotex' y ricibi bo ticket completamente gratis.